

## **Najznačajnije aktivnosti i rezultati MO i OS BiH u 2011. godini**

Tokom 2011.godine MO i OS su izvršile sve ključne postavljene zadatke, čime je prepoznata uloga MO i OS na unutrašnjem planu, a svojim radom su se istakli i izvan granica BiH u mirovnim misijama, te postali ravnopravan partner u međunarodnim aktivnostima.

### **- Kontinuirani proces koji se planira, organizuje i realizuje je obuka.**

Obuka novoprimitljenih vojnika, komandno-štabni kurs, osnovni i napredni oficirski i podoficirski kurs kao i kursevi učenja stranih jezika su najznačajniji. Edukacija u drugim zemljama planira se prema potrebama pripadnika OS BiH na višim nivoima usavršavanja. Saradnja na ovom polju ostvarena je sa EUFOR-om kroz 10 planiranih zadataka u ovoj godini, gdje je 678 pripadnika OS prošlo kroz različite zadatke. U SAD programu „Vojska vojsci“ (Mil-to-Mil) realizovana su 22 događaja. Pripadnici OS su u ovoj godini učestvovali na šest međunarodnih vježbi, dok ih je 26 pohadalo ili pohada različite nivoe školovanja u inostranstvu po osnovu bilateralne saradnje.

### **- Međunarodna saradnja ipak je najviše determinisana kroz učešće pripadnika OS u UN misiji u Kongu i misiji ISAF u Afganistanu.**

Pet pripadnika se trenutno nalazi u misiji MONUSCO koji su sada već deseta rotacija. U Afganistanu se nalazi treća rotacija Pješadijske jedinice OS u misiji ISAF zajedno sa šestom rotacijom štabnih oficira u danskom i petom u njemačkom kontingentu. Iduće godine, u ovu misiju, planira se upućivanje još šest pripadnika vojne policije, dva oficira i četiri podoficira. Shodno sada već zavidnoj tradiciji u učešću u mirovnim operacijama uviđa se da su OS postale izvoznice stabilnosti kako u regionu tako i u svijetu.

### **- Organizovano 51. Svjetsko vojno prvenstvo u skijanju.**

To je nepobitni dokaz da su OS, uz ulaganje velikih napora i puno truda, spremne da provedu i najveća svjetska takmičenja. Učesnici iz 23 zemlje svijeta sa 325 skijaša ukazali su opravdano i više puta potvrđeno povjerenje pripadnicima OS svojim dolaskom. Uređenje sportskih borilišta vršeno je na Jahorini, Bjelašnici i Igmanu.

### **- Proces podmlađivanja kadra vrši se kroz prijem novih vojnika i zbrinjavanje onih koji otpušteni.**

U ovoj godini primljeno je 886, a otpušteno 214 pripadnika OS po raznim osnovama. NATO perspektiva program za otpuštene pripadnike OS je do jula 2011.godine riješio 618 zahtjeva za reintegrisanje u civilno društvo za sada već bivše pripadnike OS. Značajno je istaći da BiH, pored sopstvenog finansijskog učešća na trogodišnjoj osnovi od 1,5 miliona eura, učestvuje u implementaciji Programa i sa izgrađenim vlastitim tranzicijskim kapacitetima.

### **- Humanitarno deminiranje je prepoznatljiv zadatak OS u kojem one daju stalno učešće u čišćenju minama zagađenih površina u BiH.**

Stalna demonstracija spremnosti i sposobnosti pripadnika OS za pomoć civilnim organima u različitim situacijama biće garant da će i narednim godinama ovo biti snaga

dobra. Do 31.10.2011.godine od minama zagađenih površina očišćeno je 2.010.263m<sup>2</sup> uz angažovanje 23 manuelna deminerska odjeljenja, 6 mašinskih deminerskih odjeljenja, 9 timova sa psima za otkrivanje eksploziva, 1 tima za generalno izviđanje, te 311 deminera. OS BiH učestvuju sa oko 20% u ukupnom procesu deminiranja u BiH.

**- Pomoć OS BiH lokalnim zajednicama u BiH bila je višestruka.**

Bezrezervno, OS su pomagale u gašenju požara, spašavanju civilnog stanovništva i materijalno-tehničkih sredstava od poplava, učestvovala u prevozu povrijeđenih i oboljelih, davale svoja sredstva za različite manifestacije, ceremonije i takmičenja na kulturnom, sportskom, vjerskom i tradicijskom planu. Sanacija puteva izvršena je u dužini od 538km u opštinama: Foča, Trnovo-FBiH, Brod, Glamoč, Derventa, Kalinovik i Lopare. Pontonski mostovi ustupljeni su na privremeno korišćenje lokalnim zajednicama Čapljine i Laktaša. Izgradnja vodovodnog sistema je u toku u dijelu opštine Bosanska Krupa, a rekonstrukcija škole realizovana je u Varešu. Dvije zadnje navedene aktivnosti potpomognute su sredstvima Nacionalne garde države Merilend iz SAD.

Dobrovoljno davanje krvi pripadnika OS organizovano je više puta. U humanitarne svrhe i za lica pogođena uticajima prirodnih katastrofa prikupljeno je 141.624.68KM.

**- Kako bi se stvorilo sigurno okruženje OS su tokom godine permanentno uništavale viškove naoružanja, municije i minsko-eksplozivnih sredstava.**

Tokom 2011.godine uništeno je 840.36 tona municije i minsko-eksplozivnih sredstava te 30.081 komada puške M-16 A1. Ovo je permanentan proces koji će i u buduće biti jedan od težishnih zadataka OS. Uporedo sa ovim procesom kontinualno se realizuje i proces preuzimanja dijela pokretne imovine od strane entiteta u BiH. OS BiH su zainteresovane da entiteti što prije preuzmu ostalu pokretnu vojnu imovinu kako bi se stvorili uslovi za predaju neperspektivnih lokacija lokalnim zajednicama.

**- Nacrtom dokumenta „Pregled odbrane“ determinisani su pravci daljeg razvoja i modernizacije OS.**

Shodno zadacima preciziranim zakonskim odredbama, tranzicijskom periodu i težnji uključenja u evroatlantske integracione procese, očekivati je da će i naredna godina biti puna izazova za OS.

**- Oružane snage BiH saraduju sa mnogim međunarodnim organizacijama i institucijama, ali je najveća podrška od strane Komande NATO u Sarajevu i EUFOR-a, dok se sa drugim međunarodnim subjektima uspostavlja bliska saradnja bilateralnim i unilateralnim sporazumima.**

**-Ministarstvo odbrane i Oružane snage postigle su značajne rezultate i u okviru ostalih međunarodnih aktivnosti i oblika međunarodne saradnje:**

- Ministarstvo odbrane BiH je pravovremeno pristupilo izradi i usaglašavanju IPP između BiH i NATO za 2012. godinu. Prijedlog IPP sadrži 183 događaja.

- Predstavnici MO BiH su aktivno učestvovali u radu NATO Koordinacijskog tima Vijeća ministara BiH.

- Tokom 2011. godine pripadnici OS BiH su učestvovali na međunarodnim vojnim vježbama, među kojima su najznačajnije: **COMBINED ENDEVOUR** (vježba bezbjednosne saradnje u oblasti komunikacijskih i informatičkih sistema) održanoj u Njemačkoj, vježba **MEDCEUR** (provjera procedura traženja i prijema međunarodne pomoći te interakcija i interoperabilnosti domaćih i međunarodnih snaga zaštite i spašavanja), održanoj u Makedoniji - naredna vježba je **SHARED RESILIENCE** i održat će se u BiH, a nosilac aktivnosti je Ministarstvo sigurnosti BiH. Zatim, vježba **CODR II** (simulacijska vježba o spremnosti struktura društva za odgovor na prirodne i ljudskim djelovanjem izazvane katastrofe) u Moldaviji, **VIKING** (međunarodna vježba komandnog mjesta u okviru operacije podrške miru) u Švedskoj, **LOGEX** (logistička vježba) u Ukrajini - naredna vježba će se održati 2013. godine u Bosni i Hercegovini, te vježbe **STEADFAST JOIST** u Španiji, **STEADFAST MOVE/FLOW** u Turskoj i **IMMEDIATE RESPONSE** u Hrvatskoj.

- Aktivno je nastavljena saradnja BiH i NATO-a na nivou Individualnog partnerskog akcionog plana (IPAP). U okviru IPAP 2011-2013. godina MO i ZŠ OS BiH planirali su 48 aktivnosti i 15 ciljeva u raznim oblastima kao što su odbrambene reforme, odbrambeno planiranje, vojne operacije, upravljanje ljudskim resursima, vojna infrastruktura i pokretna imovina, ekonomika odbrane i dr.

- U skladu sa Odlukom Predsjedništva BiH, MO BiH je u julu 2011. godine uputilo po jednog oficira u Partnerske štabne elemente u JFC Brunsum i NATO školu Oberamergau,

- Predstavnicima MO i OS BiH su tokom godine učestvovali u radu sljedećih radnih tijela NATO-a: "Konsultacije, komandovanje i kontrola (C3)"; "Konferencija starijih logističkih predstavnika države (SNLC)", u radu logističke radne grupe po pozivu; u "Upravnom odboru NATO grupe za obuku (NTG)", redovni sastanci u vezi standardizacije; sastancima vojnih predstavnika u formatu načelnika odbrane (Načelnik ZŠ OS BiH) i vojnih predstavnika, u radu Komiteta za protivračnu odbranu; Upravni odbor eksperata logistike (SGPLE) čiji je predsjedavajući predstavnik MO BiH i jedna konferencija je održana u BiH u toku 2011. godine; „Godišnja OCC konferencija“.

- Sastanak ministra odbrane države sudionice u misiji ISAF dva puta u toku godine.

- Predstavnicima MO BiH su učestvovali na konsultativnim sastancima sa predstavnicima NATO štaba iz Brisela u vezi „Pregleda odbrane“ i implementacije mehanizama saradnje

- Tokom 2011. godine implementacija drugog seta Partnerskih ciljeva (PG), zadržala je, u osnovi, trend pozitivnog progresa u odnosu na prošlu godinu, posebno u domenu implementacije PG.

- MO BiH je ukupno do sada zaključilo Memorandume o razumijevanju sa 17 subjekata: 15 zemalja (Austrija, Bugarska, Kanada, Češka Republika, Kina, Hrvatska, Danska, SR Njemačka, Mađarska, Makedonija, Crna Gora, Rumunija, Španija, Švedska i Ukrajina) te sa Snagama Evropske Unije (EUFOR) i za Centar za obuku za mirovne operacije (PSOTC). U 2011. godini nije zaključen nijedan novi memorandum o razumijevanju.

- Sporazumi o saradnji u oblasti odbrane se zaključuju na nivou vlada zemalja tj. Vijeća ministara BiH. Do sada su zaključeno 8 Sporazuma o saradnji u oblasti odbrane sa 5 zemalja: Grčka, Crna Gora (2010), Srbija i Slovenija- po 1 i 4 Sporazuma sa Turskom.

- MO BiH je do sada potpisalo 5 Protokola: 2 sa Kinom (1 u 2010.), Grčkom (2011.), Srbijom (2010.), 2 sa Turskom (2009.), i 1 Ugovor sa Svetom Stolicom (2010.).

- Značajni su rezultati postignuti i u bilateralnoj saradnji. Bilateralna odbrambena saradnja za 2011. godinu je planirana sa 20 država: Austrija, Bugarska, Crna Gora,

Danska, Francuska, Grčka, Holandija, Hrvatska, Kanada, Mađarska, Makedonija, Malezija, Norveška, SR Njemačka, Rumunija, Slovenija, Srbija, Turska, Ujedinjeno Kraljevstvo i SAD. Realizacijom bilateralnih aktivnosti je obuhvaćeno 33 države što je više za 13 država (Albanija, Čile, Češka, Estonija, Finska, Italija, Kina, Litvanija, Pakistan, Švajcarska, Švedska, Španija i Ujedinjeni Arapski Emirati). Ukupan stepen realizacije bilateralne odbrambene saradnje za 2011. godinu je 93,07%. Grupu država sa kojima je ostvarena intenzivna bilateralna odbrambena saradnja čine: SAD, Austrija, Njemačka, Slovenija i Srbija, te Makedonija, Danska i Hrvatska. Što se tiče saradnje sa SAD ovdje se razmatra samo Program Mil to Mil (Vojska vojsci). Osim toga u BiH provode se programi FMF (Foreign Military Financing) i IMET (International Military Education and Training) program.

- Realizovane su i aktivnosti u vezi sa saradnjom zemalja Jugoistočne Evrope na planu regionalnih inicijativa. U 2011. godini, praktično su nastavile sa radom sve regionalne inicijative, počevši sa SEDM-om (Forum ministara odbrane zemalja Jugoistočne Evrope) i svim njegovim projektima, Američko-Jadranska Povelja (A-5), Savjet za regionalnu saradnju (RCC), Centar za bezbjednosnu saradnju RACVIAC), Regionalna SEEC Konferencija, Sastanak Političkih direktora odbrane, Regionalna obuka za operacije podrške miru (PSOTC), i druge inicijative.

MO BiH je u toku 2011. godine učestvovalo u radu sljedećih regionalnih inicijativa:

a) Forum ministara odbrane zemalja Jugoistočne Evrope (SEDM). Aktivno sudjelovanje MO BiH u ovoj inicijativi u toku 2011. godine je izraženo kroz: učešće predstavnika MO BiH u radu Koordinacionog komiteta SEDM-a, učešće u radu Političko-upravnog komiteta Multinacionalnih mirovnih snaga (SEBRIG) u svojstvu posmatrača, učešće u radu Ministarskog sastanka zemalja JI Evrope, učešće u izradi svih dokumenata ovog Foruma, te organizaciji aktivnosti koje je kreirao Koordinacioni komitet SEDM-a. Bosna i Hercegovina je 2009. godine dobila status posmatrača u Političko-vojnom upravnom komitetu (The Politico-Military Steering Committee – PMSC) uz preporuku da razmotri mogućnost postizanja statusa punopravnog člana. U okviru SEDM inicijative MO BiH aktivno učestvuje u realizaciji aktivnosti projekta SEESIM (Southeastern Europe Simulation Network), projekat aktivne saradnje u oblasti simuliranja upravljanja katastrofama i prirodnim nesrećama. Izvršene su detaljne pripreme te u saradnji sa Ministarstvom sigurnosti BiH se učestvovalo u organizaciji i sudjelovanju na vježbi SEESIM 12. Bosna i Hercegovina će biti domaćin Ministarskog sastanka 2012. godine.

b) Program podrške zemljama Jugoistočne Evrope (SEEC)

Kao članica SEEC (Southeastern Europe Clearinghouse), MO BiH je u toku 2011. godine nastavilo aktivno učestvovati u funkcionisanju svih mehanizama SEEC inicijative (organizacijski sastanci, SEEC Konferencije, Sastanak političkih direktora odbrane, i dr.) Kroz aktivan rad političkih direktora SEEC inicirano je ustanovljavanje regionalnih centara. Centar za obuku za mirovne operacije (PSOTC) Butmir delegiran je kao Regionalni centar, tj. model za regionalnu saradnju u obuci za operacije podrške miru.

c) Američko – Jadranska povelja (US – Adriatic Charter) (A-5)

U 2011. godini MO i OS BiH bili su domaćin sastancima načelnika uprava J2 (obavještajno-sigurnosna) i J4 (logistika) uprava generalštabova članica Američko-Jadranske Povelje (A-5). Prihvaćena je inicijativa za zajedničko upućivanje instruktora vojne policije članica A-5 u okviru Misije ISAF.

d) Centar za sigurnosnu saradnju (Centre for Security Cooperation – RACVIAC)

U skladu sa relevantnom Odlukom Predsjedništva BiH, a u cilju nastavka doprinosa i podrške regionalnoj saradnji u sferi sigurnosti, MO BiH je 24.01. 2011. godine uputilo 3 oficira iz sastava OS BiH na rad u Regionalni centar za sigurnosnu saradnju RACVIAC Zagreb – u sastav radnog osoblja Centra, na mandatni period od tri godine.

**- Vojno-diplomatsko predstavljanje u BiH - Zajedničke aktivnosti MO i OS BiH i Udruženja vojno-diplomatskih predstavnika akreditovanih u BiH**

Ministarstvo odbrane BiH je u protekloj godini realizovalo niz značajnih aktivnosti sa Udruženjem vojno-diplomatskih predstavnika. Ostvarena je saradnja i koordinacija na dnevnoj osnovi sa predstavnicima 25 zemalja koje imaju akreditovane rezidentne (16) i nerezidentne (9) odbrambene i vojne atašee za BiH. U međuvremenu je Ukrajina povukla svog VDP-a iz BiH, a Bugarska ponovo uspostavila VDP u BiH. Udruženje VDP je u više navrata izrazilo zahvalnost MO i OS BiH na otvorenoj i plodonosnoj saradnji koja je za rezultat imala razvoj i realizaciju brojnih programa bilateralne i multilateralne saradnje. U toku su aktivnosti na usaglašavanju i pripremama za potpisivanje Plana saradnje između MO BiH i Udruženja VDP u BiH za 2012. godinu.

**- Proširenje Vojnog dijela misije BiH pri NATO i otvaranje novih rezidentnih Vojno-diplomatskih predstavništava BiH te upućivanje oficira OS BiH u međunarodne vojne štabove i ostale strukture:**

U toku 2011. godine u funkciji su bila sljedeća vojno-diplomatska predstavništva BiH:

- Vojni atašei: 4 (Hrvatska, Srbija, Turska, SAD) + 2 (Austrija, Belgija),
- Vojni savjetnik u Misiji BiH pri UN/OSSE - Beč,
- Štabni oficir u CPG (Centralna planska grupa), US CENTCOM, SAD, Tampa
- Misija BiH pri NATO Brisel: 4 vojna predstavnika,
- Misija BiH pri NATO Mons: 1 vojni predstavnik,
- Štabni oficiri u: Operativnoj komandi NATO Štab Napulj: 1 vojni predstavnik, Operativnoj komandi NATO Štab Brisel: 1 vojni predstavnik, Komanda združenih snaga NATO Štab Brunssum: 1 vojni predstavnik i NATO škola u Oberamergau: 1 vojni predstavnik,
- Oficir za vezu sa Nacionalnom gardom Merilenda, ujedno zamjenik Vojnog atašea SAD: 1 vojno-diplomatski predstavnik,
- Štabni oficiri u regionalnim centrima: RACVIAC - Zagreb, 3 oficira.
- Dužnost Vojnog atašea za Austriju obavlja Vojni savjetnik u Misiji BiH pri UN/OSCE, a dužnost Vojnog atašea za Belgiju obavlja zamjenik šefa vojnog dijela Misije BiH pri NATO u Briselu.

- Shodno odredbama sporazuma «Otvoreno nebo» u 2011. godini izvršen je prihvat 3 posmatračka leta u BiH, a predstavnici OS BiH su učestvovali u 1 posmatračkom letu iznad druge države.

- Izvršene su 2 inspekcije i 1 evaluacijska posjeta u BiH, a izvršene su 2 evaluacijske posjete od strane BiH u drugim državama, u skladu sa Bečkim dokumentom 1999.

- U skladu sa Sporazumom o subregionalnoj kontroli naoružanja izvršeno je 8 inspekcija.

- U skladu sa OSCE-ovim Vojnopolitičkim dokumentima i odlukama u 2011. godini izrađeno je i razmijenjeno 14 informacija.

- Ostvarena je bilateralna saradnja sa zemljama u okruženju u oblasti kontrole zračnog prostora u obimu u kojem je bila i planirana za 2011. godinu, i to: sa Srbijom ostvarena je međudržavna saradnja u oblasti službe traganja i spašavanja; sa Crnom Gorom ostvarena je saradnja kroz razmjenu iskustava koja se odnose na operativni centar; te sa Hrvatskom je realizirana obuka u zrakoplovstvu i obuka pilota.

**- Takođe, u 2011. godini realizovane su značajne aktivnosti i na izradi Sporazuma o konačnom raspolaganju svim pravima i obavezama na nepokretnoj imovini koja će i dalje služiti za potrebe odbrane.**

- Realizovani su i ostali zadaci proistekli iz Programa rada MO BiH za 2011. godinu, kao što su: Održavanje MTS koja se nalaze na upotrebi u MO i OS BiH, Uspješno obavljeno testiranje NATO software za kodifikaciju N-CORE NG sa Nacionalnim kodifikacijskim biroima Njemačke i Francuske (slanje LAU i prijem KTA fajlova), te provedene pripremne aktivnosti za provodjenje predstojeće vježbe „SHARED RESILIENCE“/ranije MEDCEUR 2012./

**- Značajne aktivnosti su provedene u izradi sistemskih dokumenata odbrane, kao i izradi programskih i plansko-izvještajnih dokumenata MO BiH, te dokumenata prema institucijama BiH**

**- Postignuti su, između ostalog, i rezultati u sljedećim aktivnostima:**

- Saradnja sa Ministarstvom sigurnosti i Misijom OSCE u BiH u praćenju realizacije Sigurnosne politike BiH i izvođenju obuke iz iste, te saradnja sa Ministarstvom sigurnosti BiH u oblasti reagiranja na prirodne i druge nesreće;

- Potpisivanje Sporazuma o saradnji između MO BiH i Ministarstva sigurnosti BiH u oblasti prevencije i borbe protiv terorizma te učešće u radu interresorne radne grupe za izradu procjene ugroženosti BiH, sa predstavnicima Ministarstva sigurnosti BiH;

- Učešće u radu radne grupe za izradu Sporazuma između Ministarstva transporta i komunikacija i MO BiH o saradnji u oblasti upravljanja i zaštite zračnog prostora BiH; te učešće u vježbi „Terorizam, nesreće i katastrofe (SASE)“ sa Ministarstvom sigurnosti;

- Učešće u izradi studije „Plana razvoja OS BiH“ a u vezi razvoja zrakoplovstva, zatim u izradi i usaglašavanju procedura najave i registrovane zračne zone za potrebe OS BiH, te planiranju, organizovanju i provođenju letačke obuke na helikopterima familije MI-8 i aviona V-53.;

- Uspješno provođenje vježbe Službe traganja i spašavanja zrakoplovima OS BiH za potrebe BHDCA za 2011. godinu na aerodromu Zalužani-Banja Luka, kao i vježbe pomoći civilnim strukturama u spašavanju i evakuaciji povrijeđenih „Jahorina 2011“;

- Obuka profesionalnih vojnih lica iz oblasti etike i profesionalizma kao veoma bitna funkcija je zauzimala značajno mjesto u planskim aktivnostima, a sve u cilju da sva vojna lica budu upoznata i ponašaju se u skladu sa najvišim etičkim i profesionalnim standardima. Održan je i osnovni kurs za inspektore, kao početna stepenica u obuci za buduće inspektore.

- Od 01.01. 2011. godine uspostavljeno je elektronsko vršenje kancelarijskog poslovanja u pisarnici MO BiH

- Planiranje, organiziranje i realizacija 3. Konferencije šefova vojnoobavještajnih institucija zemalja j/i Evrope SEEMIC,
- MO BiH je uspješno finaliziralo projekat migracije telefonskih centrala, čime su usluge telefonije i IP sistema u sklopu MO BiH dosegle evropske i NATO standarde
- U toku 2011. godine interni revizori su bili nosioci pilot revizije „Planiranje budžeta“ u našoj instituciji i uz superviziju eksperata iz Evropske unije, a sve uz odobrenje rukovodioca institucije

**- U skladu sa planovima rada za 2011. godinu, u okviru Vjerske službe, realizovane su i brojne vjerske aktivnosti, a među njima se posebno ističu sljedeće:**

- Papa Benedikt XVI je 1. februara 2011. godine utemeljio Vojni ordinarijat za Bosnu i Hercegovinu, te imenovao prvog vojnog biskupa Bosne i Hercegovine. Biskupsko ređenje Mons. dr. Tome Vukšića, uz podršku Ministarstva odbrane upriličeno je 2.aprila 2011. godine u mostarskoj katedrali Marije Majke Crkve.
- Organizacija i realizacija Druge međunarodne konferencije pravoslavnih vojnih sveštenika i učešća na sličnim skupovima u inostranstvu;
- U okviru Programa rada MO BiH Vojno muftijstvo je preduzelo određene aktivnosti u cilju izrade normativnih akata, pravilnika i priručnika potrebnih za rad vojnih imama u strukturi odbrane.

**- Cjelokupna tekuća godina protekla je sa privremenim finansiranjem, a zbog privremenog finansiranja nije bilo omogućeno opremanje OS BiH, čime je usporena i dinamika realizacije dijela partnerskih ciljeva.**

- Raspoloživa sredstva Ministarstva odbrane i Oružanih snaga BiH za 2011.godinu su iznosila **303.819.473 KM**, što je za 41.813.780 KM (12,10%) manje u odnosu na budžetski zahtjev.

## **Planovi za 2012. godinu**

**Težišni zadaci MO i OS BiH u 2012.godini apostrofirani su kroz:**

- Obuku
- Implementaciju obaveza iz PARP-a, IPAP-a, IPP-a i PG-a , Priprema i ispunjavanje uslova za MAP,
- Implementaciju koncepta operativnih sposobnosti;
- Proširenje učešća u operaciji ISAF u Afganistanu (upućivanje podoficira u Regionalnu komandu-Sjever i upućivanje instruktora vojne policije);
- Nastavak učešća u UN misiji u DR Kongo;
- Prijem vojnika u profesionalnu vojnu službu;
- Rješavanje viškova pokretne i nepokretne imovine;
- Ispunjavanje međunarodnih obaveza.

**U okviru navedenih težišnih aktivnosti, planiraju se, između ostalih, realizovati i sljedeće aktivnosti:**

- Učešće u radu NATO struktura i radnih tijela;

- Usaglašavanje i potpisivanje godišnjih Planova bilateralne vojne saradnje sa zemljama sa kojima već imamo uspostavljenu bilateralnu vojnu saradnju i Operacionalizacija Planova bilateralne vojne saradnje;
- Nastavak aktivnog rada u oblasti vojno-diplomatskog predstavljanja BiH u inostranstvu, kao i razvoja i proširenja vojno-diplomatskog predstavljanja BiH, te Operacionalizacija Plana rada udruženja VDP u BiH;
- Aktivnosti učešća u pripremi, organizaciji i provođenju multilateralnih, regionalnih i drugih aktivnosti od šireg značaja za rad odbrambenih struktura BiH, te Aktivna saradnja sa institucijama BiH po pitanjima priprema, organizacije i učešća u radu regionalnih inicijativa i dr.;
- Izrada i razmjena informacija u skladu sa relevantnim rezolucijama Vijeća sigurnosti UN-a i Foruma za sigurnosnu saradnju OSCE-a;
- Realizacija obaveza iz oblasti kontrole naoružanja i mjera za izgradnju povjerenja i sigurnosti u skladu sa: Opštim okvirnim sporazumom za mir u BiH, Bečkim dokumentom 1999 i Sporazumom "Otvoreno nebo";
- Rješavanje viška naoružanja i municije OS BiH;
- Nastavak praćenja implementacije Projekta kontrole i redukcije malog oružja i municije i planova MO BiH za rješavanje viška naoružanja i municije.
- Certificiranje, te potpuna uspostava Podregistra za NATO i EU tajne podatke u MO BiH, učešće u aktivnosti organizacije sastanaka SEDM 2012. godine;
- Implementacija Sporazuma između OSA-a i MO BiH;
- Potpuna implementacija Vojnobavještajne doktrine OS BiH, te Intenziviranje aktivnosti na uspostavi jedinstvene analitičke baze podataka;
- Nastavak implementacije Sporazuma o konačnom raspolaganju svim pravima i obavezama na pokretnoj imovini koja će i dalje služiti za potrebe odbrane;
- Primopredaja neperspektivne nepokretne vojne imovine;
- Održavanje objekata infrastrukture, te modernizacija skladišta naoružanja i vojne opreme po NATO standardima sa težištem na segment sigurnosti;
- Saradnja sa UNDP, EUFOR, NATO, OSCE u oblasti uništavanja viškova naoružanja i municije i unapređenja bezbjednosti skladišta;
- Učešće na međunarodnoj vježbi "SHARED RESILIENCE"/prethodno MEDCEUR 2012/;
- Završetak izrade i usvajanje „Pregleda odbrane BiH” i „Dugoročnog plana modernizacije OS BiH” i planova implementacije;
- Implementacija NATO kompatibilnog sistema odbrambenog planiranja;
- Realizacija aktivnosti i normativno uređenje oblasti civilno-vojne saradnje;
- Ažuriranje i izrada sistemskih dokumenata u oblasti odbrane;
- Realizacija aktivnosti iz oblasti evropskih integracija BiH;
- Procjenjivanje, kontrola i ocjenjivanje borbene spremnosti OS BiH;
- Implementacija koncepta naučno-istraživačkog rada u oblasti odbrane;
- Planiranje obuke i operacija OS BiH u cilju postizanja potrebnog nivoa spremnosti;
- U 2012. godini biće nastavljen rad na personalnoj popuni MO BiH i OS BiH; slijedi produženje ugovora o vojnoj službi sa vojnicima, oficirima i podoficirima; radiće se na razvoju i jačanju sistema upravljanje karijerom personala, implementaciji partnerskih ciljeva iz oblasti upravljanja personalom; nastaviće se tranzicijski proces i

implementacija NATO - Perspektiva programa. U 2012.godini slijedi angažovanje i na formiranju rezerve OS BiH.

- Nastaviće se sa provođenjem obuke iz oblasti etike i profesionalizma, pružanjem pomoći svim licima koje se obrate inspektorima, kao i sa provođenjem istraga i preliminarnih istraga u vezi sa navodima o nepropisnom ponašanju pojedinaca. Bit će organizovan napredni kursa za inspektore, a planirana je i izrada nacrtu te konačne verzije Etičkog kodeksa za pripadnike MO i OS BiH.

- U oblasti informacionih tehnologija planirana je implementacija smjernica aktivnosti za 2012.godinu;

- Nastavit će se aktivnosti u okviru Vjerske službe;

- Planirana je organizacija 23. Međunarodne konferencije rukovodilaca vjerskih službi u vojsci (Sarajevo domaćin).